



UNTUK ALBUM: Hamzah (bersongkok tengah) bergambar bersama Wanita USIA dan pengurusan Kolej Kediaman 1B UMS-USIA.

Wanita USIA sumbang 120 pek makanan kepada pelajar UMS

UB 17.04.2021 P.4

KOTA KINABALU: Wanita Pertubuhan Islam Seluruh Sabah (USIA) telah mengagihkan 120 pek makanan untuk berbuka puasa kepada pelajar-pelajar Universiti Malaysia Sabah (UMS) yang tinggal di Kolej Kediaman UMS-USIA 1Borneo, petang kelmarin, bertempat di Dewan Ilmu USIA Jalan Sulaman, di sini.

Program Sumbang Kasih ini meliputi pelajar-pelajar Islam dan bukan Islam yang menginap di kolej kediaman tersebut.

Menurut Setiausaha Wanita USIA Rubiah Nurdin sumbangan ini merupakan pek makanan, kuih-muih dan minuman untuk mereka berbuka puasa.

Katanya, program Kasih Ramadan ini merupakan tanda kasih dan ingatan wanita USIA kepada pelajar-pelajar yang menginap di Menara USIA.

Program Sumbang Kasih ini diharap dapat diadakan oleh Wanita USIA meliputi semua pihak termasuk anak-anak yatim, balu dan warga tua.

Beliau mengalu-alukan usaha Bahagian Wanita USIA yang lain supaya dapat mengadakan pelbagai program sempena bulan Ramadan ini.

Majlis disempurnakan oleh Setiausaha Agung USIA Datuk Hamzah Datuk Mohd. Zakaria.



SIMBOLIK: Hamzah menyampalkan sumbangan kepada wakil pelajar Anissha a/p Muniandy.

Turut hadir dalam majlis itu ialah Penolong Setiausaha Agung USIA Datuk Matin Datuk Pandin, Pengetua dan Timbalan Pengetua Kolej Kediaman 1B UMS-USIA Wijaya Kamal dan Norhanieyati Norhaizat, Setiausaha Wanita USIA Rubiah Nurdin, Pegawai-Pegawai Kanan USIA dan Felo-Felo serta wakil pelajar Kolej Kediaman 1B UMS-USIA.

Sementara itu beberapa wakil pelajar Kolej Kediaman 1B UMS-USIA melahirkan kesyukuran dan ucapan terima kasih kepada Wanita USIA kerana mengadakan program itu bermula untuk pelajar-pelajar yang tinggal di Menara USIA.

Nursahira Musa menyifatkan sumbangan itu tanda persaudaraan sesama Islam dan ianya tidak juga melupa-

kan pelajar-pelajar bukan Islam.

Ertinya Islam itu sungguh cantik meliputi semua aspek tanpa mengira agama, bangsa dan keturunan, semuanya perlu dibantu.

Menurutnya usaha yang murni ini perlu dipanjangkan kepada lain-lainnya yang memerlukan bantuan dan sumbangan terutama dalam bulan yang baik ini.

Anissha a/p Muniandy dan Cynthia Lo You Jie berasa sungguh gembira tinggal di Malaysia di mana rakyatnya hidup bersatu padu, bantu-membantu tanpa menilai warna kulit seseorang itu.

Mereka percaya jika rakyat Malaysia terus mengamalkan nilai-nilai yang murni dan menghormati satu di antara dengan ini Malaysia akan lebih aman tanpa sengketa.